

جریدہ علیہ

مسنخت جلید اسلامیک جریده رسمیه سید

رمضان ، شوال سنه ۱۳۴۰

عدد ۷۵،۷۴

شمذیلک آیدہ بر نشر اولنور

برنجی سنه

اجوبه شرعيه

حسن تحسین امضالی ۱۴ تشرین ثانی ۳۳۷ تاریخندہ فتواخانہ بالورود ، قبل العقد زید طرفندن ہندہ کوندربلان مبلخی بعدالمفارقہ زید مہر معجل نامنہ کوندردم ہندہ آغزلق نامیلہ آلام مہر معجلہ محسوب ایتام دیسہ مبلغ مذکور قفیسہ محسوب اولور وھند مزبورہ آروجه مہر معجلانی طلب ایدوب ایدمہ جکنہ دائر واقع اولان استفتایہ جوابدر .

§ مآلہ نظراً حادثہ ہند مزبورہ زیدک ویردیکی مبالغ مذکورہ ی آغزلق نامیلہ ویرمیوب ہدیہ اولہرق ویردیکنی اثبات ایدمہ مدیکی صورتدہ قول مع الیمین زیدکدر .
۲۵ ربیع الاول سنہ ۳۴۰

*
* *

عمر فخرالدین امضالی ۱۴ تشرین ثانی ۱۳۳۷ تاریخندہ فتواخانہ بالورود ، زید املاک صحیحہ دن متصرف اولدینی بر خانہ یی جہت برہ وقف ایتدکنصکرہ محترق اولوب عرصہ سی اوزرینہ متولینک اذن ومعلوماتی اولمقسزین بکر طرفندن بنا انشا ایدلیدیکی متولی مومی الیہ خبر الدقده انشانی تعطیل ایلش اولسہ بکر متجاوزک مصروفاتی تسویہ وقفہ قدرت اولسہ و بکرده خانہ مذکورہ ی بالاکال مصروفاتی بدل ایجاردن آلفہ راضی اولیوب آنجق زمین ایچون اجارہ مناسبہ اعطاسنہ موافت ایلسہ مقتضای شرعیسنک بیانہ دائر واقع اولان استفتایہ جوابدر .

§ مآلہ نظراً بناء مذکور مستحق القلع اولہرق بکرك ملکى اولور
۲ جمادی الاولی سنہ ۳۴۰

*
* *

مصطفیٰ منیف امضالی ۱۵ تشرین ثانی ۳۳۷ تاریخندہ بالورود لاجل التداوی دیار اجنیہدہ بولنان زیدک زوجہ سی ہند زیدک باباسی عمرو اوزرینہ نفقہ تقدیری خصوصندہ قاضیہ مراجعتلہ عمرو دن استدانہ مرادایتدکدہ عمرو مزبورہ ہند باباسی بکردن استدانہ ایتسون بن ادانہ ایتم دیمکہ قادر اولوب اولمہ جفنہ دائر واقع اولان استفتایہ جوابدر .

§ مآله نظراً حادثه هه هه مزبوره فقير اولديني صورتده ههك موسر اولان باباسي
يكر زیده رجوع ايتك اوزره ادانهيه جبر اولنور . سلخ ربیع الاول ۳۴۰

* *

وامق شکري امضالی ۱۷ تشرین ثانی ۳۳۷ تاریخده بالورود ، مستقرض استقرض
ایتدیکی مبلغي اخذ ایتدیکنه دائر اقرار بالکتابه سنی انکار و کاذب اولديني ادعا ایدوب
اقرارنده کاذب اولديغنه دائر یمین تکلیف ایدمک ایسته نلده مقرر دخی اقراض
ایتدیکی مبلغي رسول واسطه سیله تماماً مستقرضه تسلیم ایتدیکنی اثبات ایسه مستقرضه
تحلیفی اقتضا ایدوب ایتیه چکنه دائر واقع اولان استفتایه جوابدر .

§ مآله نظراً مقرر رسول واسطه سیله مستقرضه مبالغ مدعایانی تسلیم ایلدیکنی
اثبات ایتدیکی صورتده مدعی نی تحلیف اقتضا ایتمز ۲۷ ربیع الاول سنه ۳۴۰

* *

دیمترکی ولد واسیل امضالی ۱۹ تشرین ثانی ۳۳۷ تاریخده فتواخانهیه بالورود ، هیچ
برورقه ثبوتیه ابراز ایتمکسزین ایکی شاهد حضورنده ایجاب و قبول صورتیله زید متوفانک
زوجه سی اولديني ادعا ایدن هه متوفای مزبورک ورثه سی علیهنه اقامه ایده چکی دعوی
بروجه محرر عقدک معتبر اولسی حسینیه مسموعه اولوب اوله میه جغه دائر واقع اولان استفتایه
جوابدر

مآله نظراً اذن قاضی اولسه بیله محضر شهوده اصول شرعی وجهله عقد اولسان
فکاح معتبردر ۲۱ ربیع الاول سنه ۳۴۰

* *

حمدي امضالی ۱۹ تشرین ثانی ۳۳۷ تاریخده بالورود ، زید عمروه لاجل الحفظ بر
هقدار پاموق قوزه سنی تودیع ایتد کدنصکره و دیعه مذکوریه صات دیو عمروه امر ایدوب
عمرو دخی مذکور قوزه لری پاموغه بعدالقلب صاتمش اولسه عمروک بو فعلی ده خیرلی
وکارلی اولیجق تعدی ایتمش اولوب اولیه جغه دائر واقع اولان استفتایه جوابدر
§ مآله نظراً عمر و مزبور فعل مذکور ایله متعدی اولماز ۲۰ ربیع الاول ۳۴۰

* *

نامق امضای ۲۱ تشرین ثانی ۳۳۷ تاریخنده فتواخانه به بالورود، معروف النسب اولان، زید ایچون بکر اوغلمدر دیو اقرار ایلسه مجرد اقرار مذکوره بناءً مقررله زید مزبور بکرة وارث اولوب اوله میه جفته دائر واقع اولان استفتایه جوابدر § مآله نظرآ مقررله مزبور مقر اولان زیده وارث اولماز .

۲۵ ربیع الاول ۳۴۰

* *

حسن امضای ۲۲ تشرین ثانی ۳۳۷ تاریخنده فتواخانه به بالورود زید اوراق نقدیه نک، تداولندن مقدم ثلث مالمدن بالتفریق درت یوز عثمانلی لیره سی صرفیله فلان محله نامه بر چشمه بنا اولدقدنصکره فضله سنی وجوه بره وصیت ومصرآ علی ایصائه وفات ایتدکده وصی اولان بکر ترکه دن درتیوز آلتون طلب ایتسی اوزرینه ورثه زید درتیوز اوراق نقدیه دن فضله ویرمیز دیمکه قادراولوب اوله میه جقلرینه دائر واقع اولان استفتایه جوابدر § مآله نظرآ موصلیسنک حین وفاتنده کی ترکه نک ثلثی معدنی درتیوز عثمانلی لیراسنه مساعد اولدینی صورتده مذکور آلتونلرک امثالی ویرملک ایجاب ایدر .

۲۶ ربیع الاول ۳۴۰

* *

رأفت امضای ۶ کانون ثانی ۳۳۷ تاریخنده فتواخانه به بالورود محمود الحمال اولان، زید صغیره قزی هندک زیر زمینده مکنوز اولان وقف معدنی ثمن مثلیله نفسی ایچون اشترا ایلسه عندالشرع صحیح اولوب اوله میه جفته دائر واقع اولان استفتایه جوابدر § مآله نظرآ شرا وفراغ مزبور صحیح اولماز . ۱۰ ربیع الاخر ۳۴۰

* *

اورام امضای ۱۴ کانون اول ۳۳۷ تاریخنده فتواخانه به بالورود تبعه دولت علیه وموسوی ملتندن اورام ینسه تبعه مشارالیه انک موسوی ملتندن زوجہ سی لئونا نام قادینی طلاق ثلثه تطلیق ایدوب ایده میه جکنه دائر واقع اولان استفتایه جوابدر § مآله نظرآ یهودی اولان مزبور اورام زوجہ سی اوچ طلاق ایله تطلیق ایتدیکی صورتده طلاق مذکور صحیح اولغله اوچ طلاق واقع اولور . ۱۷ ربیع الاخر ۳۴۰